

Mbanjdandaeuz:

Swnjcienz Vwnzva Gaeuqgeq Saenzmaed Mulajucz


传承古老神秘仫佬族文化的滩头屯

□ Yinj Yuz Ginh Gangh ingj

Myab yawj gingj gyaenmbanj.



▲ Vunzmbanj daenj buhvaq moq doxcomz gvaq ciel.



▲ Luengqhongh ndaw mbanj bingzbd seuqcingh.



▲ Vunzlaux ndaw mbanj comz naengh gangjgoj.



▲ Laeuzdou daengjndwn hen maenh daengx mbanj.

Geij bi neix daeuj, Liujcwngz Yen doenggvaq aeu aen fuengsik ra canghhek yinx cienzngeanz haifat, mboujduenh gyalai roengzngeanz, hwnjguh ranghdieng fungcingz liyyouz aeu Mbanjdandaeuz Gujcai Mulajucz Yangh guh cungsim haenx, caemhcai ciuq gij daegdiemj minzcuz, yinzvwnz Mbanjdandaeuz bae guh cingcoih ranz gaeuq, guh diuzroen haeuj mbanj doenghij sezsih giekdaej neix, ndaej baenz mbanjguhyiengh minzcuz fungcingz naekgywg, swnghdai vanzging maenhndei, minzcuz doxgiet doxhuz. Bi 2011, Mbanjdandaeuz ndaej bingz guh Liujcouh Si gaiq daihroek "cib aen mbanj gyaunde"; bi 2014 ndaej Guekgya Minzvej dingh guh buek daih'it "Cungguek aenmbanj daeksaek saujsu minzcuz".

Liujcwngz Yen Gujcai Mulajucz Yangh dwg daengx guek aen Mulajucz Yangh dog ndeu, ndoeng faexraeu, ranz gaeuqgeq, ngoenz ciethieq dwg "sam ndei" Gujcai. Mbanjdandaeuz youq cungqgyang aen yangh neix, seiqhenz miz luengqhongh cien mij faexraeu

Mbanjbungzbo, ndoengfaex ciuhnduj Mbanjsinhveiz, ranz gaeuq Mbanj-gujse, doxcomz yienh'ok gij minzcuz conzdungj vwnzva caeuq minzsuz minzfung Mulaucuz, dwg aen ging haifat Gujcai Mulajucz Yangh liyyouz cei ndei ndeu. Mbanjdandaeuz liz yienhsingz Liujcwngz 18 goengleix gya, youq Ciuhcingh Daugvagh 7 bi (gunghyenz 1827 nienz) hainduj laeb mbanj. Daengx mbanj seizneix miz 150 lai ranz 308 vunz, miz 120 lai aen ranz gaeuq, lij miz gij laeuzbauq, coengceiz, aenmih gaeuqgeq louzce ndaej haemq ndei haenx, dwg aen mbanjhumx Mulajucz ranz gaeuq lai caiqlj louzce ndaej ndei seizneix raen miz haenx ndawde aen ndeu. Daengx mbanj miz sam aen laeuzdou gaeuq, cungj dwg Daugvagh nienzgan hwnjguh, gwnzde faenbied gaek miz geij cih Sawgun, caengz cien baihrog ciengz gaenq miz mbanj lotloeng hedvauq, louz roengz gij riz gaeuq ndwenngoenz. Seizneix ndaw mbanj gaeuq gaenq mbouj miz vunz youq, vunzmbanj cungj senj haeuj mbanj moq youq, hoeng vih

henhoh ndei gij yiengh gaeuq aenmbanj, gyoengq vunzmbanj lij caezsim okrengz youq ndaw mbanj gaeuq coih mieng baizraemx, cing-coih ranz gaeuq caeuq dauq guh ndei aen ranzvaih, doengzseiz ndaw mbanj lij guh le cunh vwnzvasiz, lanz-giuzcangz, daizheiq, diuzmieng dwk-raemx haeuj daemz, mienghung baiz raemxuq, vanzlij guh le nungzgyahloz hanghmoeg caeuq gak cungj liyyouz boiqdauq sezsih, hawj vunzmbanj youq ndaej cwxcaih, bouxhek youz ndaej sim'angq.

Mbanjdandaeuz cawz ndwen-cieng daengj ngoenzciet nauhyied le, lij miz aen ciel nauhyied daegbied ndeu, couhdwg liggaeuq ndwencib co'ngaih "cietyihfan" Mulajucz. Moix bi daengz ngoenzneix, gyoengq vunzmbanj cungj caez comz youq henz coengceiz ndaw mbanj, gaj yiengz gaj vaiz loengh byaek nyaengqny'nyi, roq gyong roq laz ciengq go diuq foux angqvauvau, guhsax guhbaiq goengcoj bauj bingzan caeuq angqhoh ndaw bi soucingz ndei, mbaenjgouz bi laeng dajndaem dajciengx yiengh-yiengh guh baenz.



▲ Mbanj gaeuq louzce henhoh ndaej ndei.



▲ Gij gingj aen mbanj gyaunde yinx vunz.

▶ Va' mbu ndaw daemz henz mbanj yinx hekyouz.



▲ Vunzmbanj eu fwen angqyang coux hek.

